

Gudagnar novs amis

Grischun: Acziun da marketing

DA GION NUTEGN STGIER / ANR

■ Gia per la segunda giada envia l'uffizi d'economia e turissem cun ses purtaders turistics la populaziun d'in chantun da visitar il Grischun. Durant in mais profitescha la glied dal chantun Son Gagl da l'acziun da marketing cun purschidas fitg vastas ed interessantas.

En Svizra tutga il Grischun tar ina da quellas destinaziuns popularas per far vacanzas, saja quai l'enviern ubain er la stad. L'onn passà èn per exempel 3,12 milliuns pernottaziuns en noss chantun d'attribuir als giasts svizzers. Nagin chantun da vacanzas ha fatg tantas pernottaziuns cun giasts da la Svizra sco il Grischun. L'intent da l'acziun da marketing tranter il Grischun e Son Gagl è d'animar anc daplis giasts dal chantun Son Gagl da scuvrir novas regiuns ed aventuras en il Grischun cun sias 150 valladas.

Das colurs simpaticas

En sia vopna haja il chantun Son Gagl cun verd ed alv duas colurs simpaticas, ha punctuà *Martin Vincenz*, il directur da Grischun Vacanzas. La stad sa preschenta il Grischun en in bel verd cun sias muntognas singularas e l'enviern saja l'alv da la naiv ina colur da gronda valur. Il chantun Son Gagl saja ina regiun cun ina populaziun che fetschia fitg gugent vacanzas en il Grischun. Ussa spera Vincenz che numerusas persunas dal

chantun Son Gagl fetschian diever da l'acziun speziala che cuzza dal 1. da settember fin ils 30 da settember 2019.

Tgirar anc dapli il bun contact

Cusseglie governativ *Marcus Caduff* ha ditg en ses pled a Bravuogn ch'il chantun Son Gagl tutgia tar in chantun cun ina relaziun fitg amiaivla tar il Grischun. Sco il chantun Son Gagl tutga er il chantun Grischun tar in da quels chantuns a l'ur da la Svizra e gist or da quella raschun saja da tgirar anc dapli il bun contact tar noss vischins da Son Gagl. Caduff ha ditg ch'el beneventia quella acziun da marketing cun la speranza che suenter in mais hajan nus Grischuns intgins novs amis da la Svizra orientala. Per avair ina buna collavuraziun cun in chantun vischin sco Son Gagl duvrain nus in pau tgapientscha d'omadus varts. Gist quella tgapientscha na anca betg tar noss vischins dal nord. Il cusseglie lumnezian ha er ditg ch'ils dus chantuns hajan blier communaivel, uschia sajan omadus entrads il 1803 en la confederaziun.

Il Rain che passa tras il chantun

En il chantun Son Gagl hajan la regenza, las organizaziuns turisticas ed er la populaziun prendì cun plaschair enconuschientscha da quella acziun speziala en il proxim mais, ha ditg *Bruno Damann*, il cusseglie governativ dal chan-

tun Son Gagl. Gia dapi decennis vegnan bleras persunas da ses chantun en il Grischun, cunzunt l'enviern, per passentar lur vacanzas ubain er be in pèr dis. Ussa duressan tuts er far diever da l'acziun da marketing e vegnir la stad en il Grischun cun tut sias bellezzas, ha punctuà Damann. Il Grischun saja in chantun cunfinant da Son Gagl e cunzunt er in vischin empornaivel en tuttas modas e manieras. Il Grischun haja il Rain e quel passia er tras il chantun Son Gagl, er sch'el chaschuna magari per inundaziuns. Sco il chantun Son Gagl saja er il Grischun in chantun da la colliaziun da traffic dal nord al sid ed il cuntrari, ha ditg il cusseglie governativ da Son Gagl.

Tschintg organsiazziuns

Da l'acziun da marketing fa cunzunt part sco finanziader il chantun Grischun. Sa participads a l'acziun è cunzunt er la Viafier retica e lura er Grischun Vacanzas che segna en spezial per la promozion e reclama. Auters partenaris èn 20 restaurants, 38 hotels e 37 pendicularas. Il proxim mais sa la populaziun dal chantun Son Gagl girar per 33 francs per di tras il Grischun cun la viafier e per pernottar en in hotel cun ina reducziun da 50% sin il pretsch. Cun pajar anc 19 franc san tuts ir cun ina pendiculara, a far bogn ubain en in museum. Lura sajas bainvegni ds en il Grischun tuts vus vischins dal chantun Son Gagl.



Opstints e giast ier a Bravuogn nua che l'acziun da promozion è vegnida lantschada: Renato Fasciati, directur Viafier retica, Marcus Caduff, cusseglie governativ, Bruno Damann, cusseglie governativ chantun Son Gagl e Martin Vincenz, directur Grischun Vacanzas (da san.).